

**BASES PARA A SELECCIÓN DE PERSOAL A TRAVÉS DO PROCEDIMENTO PARA A CONTRATACIÓN TEMPORAL POLAS ENTIDADES LOCAIS DE PERSOAS EN SITUACIÓN OU RISCO DE EXCLUSIÓN SOCIAL PERCEPTORAS DA RISGA PARA A OBRA “APOIO ÁS OBRAS E SERVIZOS DE INTERÉS XERAL E UTILIDADE SOCIAL DO CONCELLO”.**

**PRIMEIRA. OBXETO DA CONVOCATORIA**

Selección e contratación laboral temporal polo sistema de oposición para a obra **“APOIO ÁS OBRAS E SERVIZOS DE INTERÉS XERAL E UTILIDADE SOCIAL DO CONCELLO”**, a contratación será de (5) persoas a tempo parcial 50% xornada habitual), por obra ou servizo cunha duración máxima de 7 meses, salario bruto mensual segundo resolución de data 15/09/2017 e numero expediente TR351F 2017/12-5.

**SEGUNDA. NÚMERO DE POSTOS E CONDICIÓNS DOS CONTRATOS DE TRABALLO**

a) 5 (cinco) persoas a tempo parcial (media xornada), por obra ou servizo (interese social) cunha duración máxima de 7 meses.

A modalidade contractual será a duns contratos de duración determinada por obra ou servizo, a tempo parcial. En concreto os traballos serán como peóns nos departamentos de servizos do Concello, a contratación farase ó amparo do disposto no apartado 1 a), do art.15 do Real Decreto Legislativo 2/2015, de 23 de outubro, por el que se aprueba el texto refundido de la Ley del Estatuto de los Trabajadores.

b) De ser o caso, por a concesión de prórroga das axudas ou debida a urxente e motivada necesidade, poderase ampliar ou modificar a xornada e a duración do/s contrato/s de un ou varios traballadores, a través da correspondente modificación asinada por ámbalas partes.

c) Os servizos comezaranse a prestar no mes de outubro de 2017.

d) A retribución será segundo o específica a resolución da Consellería de Economía Emprego e Industria da Xunta de Galicia 15/09/2017 e numero expediente TR351F 2017/12-5.

e) A xornada será a media xornada de luns a domingo, co descanso proporcional correspondente.

**TERCEIRA. CONDICIÓNS DOS ASPIRANTES**

a) Ter a nacionalidade española, sen prexuízo do disposto no art. 57 do Texto refundido do RD Lexislativo 5 /2015, do Estatuto Básico do Empregado Público, respecto do acceso ó emprego público de nacionais doutros estados.

b) Ter cumpridos os dezaseis anos de idade e non exceder, no seu caso, da idade máxima de xubilación forzosa.

c) Posuír a capacidade funcional para o desempeño das tarefas habituais do posto ó que aspira.

d) Non estar separado mediante expediente disciplinario do servizo de calquera administración pública ou en calquera dos supostos que contempla o Texto refundido do RD Lexislativo 5 /2015.

e) Figurar na relación enviada por a oficina de emprego a través da solicitude da oferta de emprego 12-2017-10291.

f) Cumprir os requisitos establecidos na subvención concedida para a CONTRATACIÓN TEMPORAL POLAS ENTIDADES LOCAIS DE PERSOAS EN SITUACIÓN OU RISCO DE EXCLUSIÓN SOCIAL PERCEPTORAS DA RISGA, EXPEDIENTE: TR351F 2017/12-5.

**CUARTA. ADMISIÓN DOS PARTICIPANTES**

Todos aqueles aspirantes citados por o Servicio Público de Emprego de Galicia a través da oferta 12-2017-10291, solicitada por o Concello de Sanxenxo o 15/09/2017, deberán presentarse a proba oral que se celebrará o vindeiro venres 6 de outubro de 2017 as 10 horas.

**QUINTA. PROCESO DE SELECCIÓN DOS ASPITANTES**

Realizarase mediante oposición (0 a 10 puntos):

Primeiro e único exercicio o cal suporá o 100 % da oposición, consistirá nunha proba oral na que se valorarán aspectos relativos aos coñecementos do aspirante como peón, coñecemento do municipio, dispoñibilidade de medio de transporte e dispoñibilidade horaria, ademais do exposto no artigo 12.d da orde do 09/07/2017 DOG nº 96 do 22/05/2017.

En calquera momento os aspirantes poderán ser requiridos para acreditala súa identidade, deberán presentarse as probas provistos do documento acreditativo da mesma. Os aspirantes serán convocados en chamamento único e a non presentación no momento de ser chamado suporá a súa exclusión do proceso selectivo, agás nos casos de forza maior debidamente xustificadas e apreciadas polo Tribunal.

A orde de prelación dos aspirantes que superen o proceso selectivo efectuarase de acordo cas puntuacións finais obtidas, non podendo superar o proceso selectivo un número de persoas superior ó das prazas convocadas, formulándose proposta de nomeamento a favor dos cinco aspirantes que acadasen a maior puntuación final.

No caso de empate na puntuación final entre dous ou máis aspirantes, o mesmo será resolto por sorteo realizado en presenza dos interesados. Na acta da última sesión incluírase unha relación dos aspirantes que, tendo aprobada a

oposición, non obtivesen praza, na orde da puntuación final por estes obtida, co fin, si se estima necesario, de cubrir vacantes por renuncia, incapacidade temporal dalgún dos seleccionados ou se fose precisa a contratación de maior número de traballadores para dita obra ou servizo. O chamamento realizarase telefonicamente. Esta bolsa estará vixente durante o ano 2017 e o primeiro cuadrimestre do ano 2018.

Os/as aspirantes seleccionados/as deberán cumprir os requisitos esixidos para tomar parte na convocatoria contidos na Base segunda das presentes Bases unha vez se produza o seu chamamento para a prestación de servizo, no prazo de dous días momento no que serán sometidos, se a corporación o estima oportuno, os recoñecementos médicos precisos en orde a determinar a súa aptitude para o normal desempeño da función.

Estableceranse nos contratos un período de proba de 15 días naturais dende a data de alta, período durante o cal, sen previo aviso poderá rescindirase o mesmo por calquera das partes.

#### **SEXTA. CELEBRACIÓN DAS PROBAS SELECTIVAS**

As probas realizaranse o VENRES 06 de outubro de 2017, no Salón de Plenos Municipal na casa do Concello, ás 10 horas.

#### **SÉTIMA. DISPOSICIÓNS DERRADEIRAS**

Primeira.—Para todo o non previsto nestas Bases, será de aplicación supletoria o establecido na Lei de Réxime Xurídico das Administracións Públicas e Procedemento Administrativo Común, no Estatuto Básico do Empregado Público, na Lei Reguladora das Bases de Réxime Local, na Lei de Administración Local de Galicia, Lei de emprego Público de Galicia e demais lexislación vixente que sexa de aplicación e no Estatuto dos Traballadores.

Segunda.—As bases da convocatoria e cantos actos administrativos deriven das mesma e das actuacións do Tribunal Cualificador, poderán ser impugnados polos/as interesados/as no caso e na forma establecidos na Lei Réxime Xurídico das Administracións Públicas e Procedemento Administrativo Común, así como na Lei Reguladora da Xurisdición Contencioso Administrativa e normas vixentes concordantes.

A presentación de reclamacións non suspenderá a continuación do proceso selectivo salvo que así o decida o órgano convocante do mesmo.

Terceira.— Relación de aprobados/as. Establecida a puntuación final de cada aspirante, elaborárase unha listaxe destes/as baseándose na súa puntuación e por orde decrecente, resultando aprobados/as os/as que, tendo en conta o número de prazas, obtivesen as notas máis altas.

Cuarta.- contra a presente resolución, que esgota a vía administrativa poderase interpoñer recurso contencioso administrativo ante o Xulgado do Contencioso Administrativo de Pontevedra, no prazo de dous meses a contar dende o día seguinte a súa publicación.

Asemade, os/as interesados/as poderán interpoñer Recurso potestativo de Reposición perante o órgano que ditou a resolución no prazo dun mes dende a súa publicación. Neste caso, non se poderá interpoñer Recurso Contencioso – Administrativo ata a resolución expresa ou presunta do Recurso de Reposición, de acordo co previsto nos art.116 e 117 da Lei de Réxime Xurídico das Administracións Públicas e Procedemento Administrativo Común.

#### **OITAVA. TRIBUNAL CUALIFICADOR**

Estará integrado por:

**PRESIDENTE :** Raul Rodríguez Álvarez, Xunta de Galicia.

**SECRETARIO :** Luís Ángel Sabaríz Rolan, tesoureiro do Concello de Sanxenxo.

**VOCAL :** Teresa Reyes Martínez, Concello de Sanxenxo.

**ASESOR:** Carlos Granjel Dios, técnico de emprego / persoal do Concello de Sanxenxo.

**SUPLENTES:** Teté Lorenzo Corcoba, Concello de Sanxenxo.  
Francisco Javier Outón Martínez, Concello de Sanxenxo.  
Aquilino González Pérez, Concello de Sanxenxo.  
Celestino Otero Camiña, Concello de Sanxenxo.

Tribunal conformado segundo o establecido no artigo 12.c da orde do 09/07/2017 DOG nº 96 do 22/05/2017.

#### **NOVENA. INCIDENCIAS**

O tribunal queda autorizado para resolver as dúbidas que se presenten e tomar os acordos necesarios para a boa orde do proceso selectivo en todo o previsto nestas Bases.

Sanxenxo, 18 de setembro de 2017.

O alcalde,  
Telmo Martín González.